

## Стихи Николая Мальцева



Со бара аслам рөднөй сиктөй...  
Кузь вөлөк вуджи – нельсё верст.  
Код төдас, мыйла сьөлөм кыскө –  
Нэм чөж ме быттьө нуа крест.

Кор Сыктыв бердса паськыд эрдыс  
Мем мыччас чуймөдана от,  
Горш дінөй гөррдзасяс, көть бөррдзы...  
Мый вөчан? Сэтшөм нин ме морт...

Ме тані чужи. Тан ме төдлі  
Ас сиктса йөзлысь мывкыдлун.  
Бур кылөн казьтыла ме рөдөс,  
Бать-мамлөн бурсиөм оз вун.

Ми мыйла пышйим рөднөй грездысь?  
Куш трудодень да турун нянь...  
Ю вуджны перевоз оз мезды,  
А туй паыддиыс – гөйөдз няйт.

Лёк кадыс коктөмтіс став йөзсө.  
Дай бөрас-кодлы шог ли мог?  
Код мыжа, корсьны ме ог көсйы,  
Но пышйим, предательяс ног.

Ми шудтө помтөг кыськө корсям,  
Но сійө некытысь оз сюр.  
Быд воліг, менам рөднөй Волся,  
Кок улөдз копыртла тэд юр.